



明清興寧縣志

⑤

廣東方志之十一

臺灣學堂書局印行

興寧縣圖書館存

明清興寧縣志
(五)

旅外華僑張榮貞贈

一九八一年

興寧縣志卷之九 人物志

秦州仲振履拓卷原本

桐城張鵬齡琴甫續編



三代而還不少千人之俊五行獨秀斯為萬物之靈興邑民
守大閑俗敦古處匹夫匹婦碩果每留天地之心所見所聞
十室尚多忠信之質風聲可樹庶幾頑懦同師星版堪登有
俟輶軒下採志人物

鄉賢

懿行

忠烈

孝子

尚義

耆壽

列女

人物論

鄉賢

宋羅孟郊其先南昌人五代間有官興寧者因家焉至宋景德中孟郊生生而顯異早喪父事母孝兒時牧牛長陂莊坐讀書有山人過奇之與語孟郊告以父喪貧未葬山人指示其地遂葬焉弱冠結廬羅嶺以學鄉子弟從之孟郊指授篤至邑始多學者嘗夜讀書山上有光燭之又善書滌硯於池池水盡黑今志所傳墨池者是也天聖八年舉進士第三人累官諫議大夫翰林學士掌制誥文詞溫雅特承顧問乞歸養母茅華蕭然每冬月思膾孟郊下池取魚以供鄉人目其地為曾子湖年七十而終衆立祠于讀書處祀之

本阮省志施志參用玉州志及仲志

仲志改取魚為少時事未知
何據今依諸志敘於解養後

陳南一性聰慧少有文名篤志力學家近市嘗卜築華庄究心

百家終年不入城市文譽煜然嘉熙元年登進士第官翰林

宣教行業卓冠流輩敦厚和平不立城府解組歸杜門却軌

課子讀書邑人宗之祀于鄉賢祠子采孫惟賢皆為校官歷

元明紀書香代有聞人皆南一德澤之遠也

本阮省志參
施志仲志

按仲志列南一於懿行條未署廣東通志載祀鄉賢八字想
從前修志時神主既失道光二十一年經舉人陳登漢等呈

請知縣曾名芹具
主入祀今應補正

明黃志達字伯達宣德五年貢生任福建惠安主簿為人正直和

厚鄉人重之目其所居為黃公嶺沒祭于學祠

本阮省志
參施志

按施志列志達於懿行條未署舊祀鄉賢四字想從前修志時神主既失嘉慶元年經舉人鄭鳴同等呈請知縣郭鳳彩具主入祀仲志始附傳於此

何瓊字世英少不凡長遊邑庠以廉耻自維正統七年貢生仕

金華推官剛介明察非義不取致政歸民立祠祀之

本阮省志

張孟璉字廷璧性至孝律己以廉肄業南雍奔母喪廬墓三年

後官邵州經歷遷兩浙鹽運判官清白不移及卒家無喪資

本阮省志
參施志

陳厚家貧耕採力學中宏治壬子鄉試行履端重誠敬感人尤

善教育學者翕然從之不仕而卒士林傷悼焉

施志

按各志俱列厚于懿行條惟仲志未署舊祀鄉賢四字想從前修志時神主既失嘉慶十九年經知縣仲振履補主入祀

今應附
傳於此、

王天與字性之正德丁卯舉于鄉甲戌成進士天性易直遇事
果斷不回任寧都知縣先悉民隱政惡周弗辨以是臨政不
煩絲竅竟莫能欺僉呼為神興學校正風俗勸豪橫剔大惡
恤孤寡集流亡凡百安民之政莫不改第興起葺片邑大治
且徭役均平征輸有限不併取于一時俾民易于營辦亦無
後期者歲大歉民請定穀價天與以民食必借資他邑恐販
穀者不得厚酬穀不至民益苦無食不可後數日販舟通馬
羅者賴之寘額有兌淮祿米歲增常賦而運道自河河故有
十八灘勢險惡民苦轉輸天與輒奏疏乞免朝廷可其言在

嘗一歲嘗夜出私閭有老婦當鑪問有竹葉青否應曰清可
比王公又聞一貧家有婦閉聲詔其夫曰吾結網度日將以
了丁鈔耳非王公寬恤至此時哉今貪酒而浪費之丁鈔無
所出矣其見德於民如此歲丁丑從都御史王守仁督兵進
勦南贛賊首藍廷鳳謝志山等自領兵千餘由間道先入
焚賊巢賊退無所據乃走桶岡大兵乘勝攻三天與與諸軍
會攻賊大敗賊首面縛降破巢八十有四斬俘七千有奇朝
廷論功天與陞俸二級王氏家譜此下有隨後已卯宸濠反命下擢浙江御史九字
王守仁徵各郡縣兵討之天與乃率精銳晝夜兼程而進旣
拔城亂軍火民廬安殺無辜天與憐其玉石俱焚亟馳救火

或止之天與曰避火全軀祇為身謀吾不忍也請以一身活
此千萬人竟得疾沒于南昌時正德十四年七月二十日也
陽明哭之慟如失左右手解衣以殮為文祭之寧都民如失
父母肖像立祠祀焉自著平寇錄數卷湛甘泉序之嘉靖壬
午朝廷追錄其功詔賞白金三十兩仍優恤其家

參用各志及
明史增正

按阮者志王州志及施志皆云天與冒暑得疾卒王氏家譜
亦云得疾卒並載王陽明祭天與文中有胡天不憫疾罹沉
痾之句其非身遭回祿實無疑義雖施志載顯忠亭記有竟
以突卒一語或以救火中毒致疾故云爾且後日亭記必不
若當時祭文之確乃仲志謂一事不容兩歧將得疾字除去
改為出入火中竟以突卒恐後人疑其尸經焚灼今從諸志
更正附錄王陽明批寧都縣申請祠祀文一則據寧都縣申
看得知縣王天與舊隨本院征勦橫水桶岡諸賊屢立戰功
後隨本院討平逆藩竟死勤事況其平日居官政務修舉威
愛兼行仰該縣即從士民之請建祠報祀用伸士大夫之公


論以慰小
民之遺思

王泌字時見性沉靜好讀書以萬曆選貢令平樂精明廉幹治
行為粵西第一時隣邑昭平通賊者煽動種人泌攝之黥其
首惡餘置不問昭民尸祝之課最晉養利知州州故民徭雜
處地泌惠義兼施無敢梗化者轉南寧同知視邑倣嘗捐俸
百餘金償稅額攝本郡太平思明三篆咸得民心思明有土
司何悖竊據平莽泌往治之悖歸地請罪歷官一十六載家
居無異寒素值歲饑泌曰禁穀出境則價自平矣又邑令有
欲取田丁穀者泌譴言止之人尤德焉

溫凝命字象先賦性冲和恂恂儒者年十五失怙事母至孝康

熙戊午舉於鄉，絕器徑以訓子弟。嘗曰：薛河東謂子謁有司，亦是失身。我輩宜書座右，故生平足不履公庭，出宰四川，陞昌知縣。時兵燹之後，戶口彫殘，命招徠安集，數年間增至五百餘戶。三十九年，王師征捷，箭爐命時兼攝榮昌，措辦有方，不悞公，不擾民，秋滿內陞宛平。輦轂之下，百務叢集，命以敏捷當之，無不迎刃解者。屬山東大饑，民就食京師，僱車給糧，全活還鄉者三千餘口。以過勞獲病，假還明年入京，卒於邸。陳銓字次臣，康熙十二年選貢，性至孝。母年九十，與弟鐸膝下，膳依色養為樂。有老萊子之風。授陽春教諭，蒞任之初，捐俸修學，與諸生朝夕講貫，程期課藝，一時學者咸有成就。在任

五載丁內艱服闋補從化教諭其盡職一如陽春銓矩步規
行笑嚙不苟篤學嗜古老而不倦所著四書毛詩擬旨督學
樊序行之詩集若干卷卒於官年七十七從化紳士請祀名
宦



懿行

元劉仁傑性剛直躬耕留塘至正間舉人材授循州某官善於其職致政歸值周三官之亂欲懾服之不屈遇害

本旣省志
參用仲志

明劉中博涉經史自少善屬文操履清慎永樂戊子領鄉薦明代

邑之登科者自中始戊戌明通進士初官訓導繼遷遼府教

授王憐其貧委督徵欲少助之中一介不取王愈重之乞歸

後王府屢以書下問年八十六而終

本旣志仲志略加增
補黃志云舊祀鄉賢

陳善永樂辛卯舉人授浙江布政司照磨署德清縣政尚嚴明

判釋冤獄全活甚衆當道以聞遷鎮江府通判丁艱歸因疾

不復仕

施志

薛賢宏治二年貢生性簡古不阿權奸正德中任金吾左衛經

歷丁憂起復任南京留守銜經歷虔恭乃職勅賜旌獎年踰

七十致政歸卒于家

本玉州志
參用仲志

曾奎宏治壬子舉於鄉初授來賓教諭端模範勤課藝士子翕

然宗之後遷國子監學正轉吉安通判調思恩尋復裁革改

夔州夔距家數千里水陸險惡親戚咸止之奎曰旣領命敢

自便乎即單車蒞任摘伏發奸吏民懾服越三載致政歸時

年七十猶日閉門手一卷或風日清和則角巾野服乘黃犢

徜徉于竹林澗谷間嘗有詩曰世途平坦了無疑買個黃牛

當馬騎其風趣如此年七十六終

參用施志仲志按
黃志云舊祀鄉賢

殷車宏治十年府貢生沉靜簡默勤循禮法授廣西都司都事

後致政歸環堵蕭然授徒自給黃志云舊祀鄉賢

張元珠宏治十七年貢生正德間任沙縣縣丞邑舊有銀冶巨

瑤鎮闔閭敬之元珠堅持不可乃止各舊志俱失載阮有志始據福建省志補入今

應附于此

張仕林嘉靖四年貢生授柳州府經歷謹厚不偽巡按御史曾

守約檄署羅城修建學校歷署馬平洛容柳城懷遠到處口

碑聞母病即致政歸生事死喪尤以孝稱舊註選舉卷今改附於此

張天賦字汝德嘉靖十一年選貢少負才名遊湛甘泉先生門

聞性命之學即毅然自立邑令祝枝山謂天賦淵虛白似黃